



Ембі ТЫНЫСЫ

№ 4 (68)
СӘУІР
2021 ЖЫЛ

«ЕМБІМҰНАЙГАЗ» АҚ КОРПОРАТИВТІ ГАЗЕТІ

БІЗДІҢ МИССИЯМЫЗ:

Біз әлеуметтік және бизнес мүдделердің тепе-теңдігін сақтау арқылы компания жұмысшыларына тұрақтылықты, акционерлерге тиімділікті қамтамасыз ету үшін мұнай мен газды өндіреміз.

ҚҰРМЕТТІ ЕМБІЛІК АРДАГЕРЛЕР, ӘРІШТЕСТЕР!

*Баршаңызды 1-мамыр
Қазақстан халқының бірлігі күнімен
құттықтаймыз!*



Дана халқымыз ежелден ынтымақ пен бірліктің орнын ерекше бағалап, «Бірлік болмай тірлік болмас» деп түйіндеген. Ал, бұл күн арнайы мейрам ретінде 1996 жылдан бастап аталып келеді. 1995 жылдың 18-қазанындағы Жарлық бойынша 1-мамыр - Қазақстан халқының бірлігі күні деп жарияланған болатын. Береке мен татулықты биік ұстаған халқымыз үшін бұл күннің орны ерекше.

Бұл - ел бірлігін, ұлттар достығын паш еткен айрықша күн. Тәуелсіз қазақ еліндегі әр түрлі ұлт пен дін өкілдерінің бір-біріне деген сыйластығын, татулығын артыратын құндылыққа толы күн.

Алтай мен Каспий арасын жалғаған ұлан-байтақ жерімізде 136-дан астам ұлт өкілдері тату-тәтті тіршілік кешіп жатыр. Ел аумағында ішкі саяси тұрақтылық орын алып, ұлтаралық қатынастар реттеліп отырады. Қазақ елінде әрбір ұлттың өзінің салт-дәстүрін сақтауға, насихаттауға, мәдениеті мен әдебиетінің қарыштап дамуы жолында іс-шараларын ұйымдастыруға барлық мүмкіншілік жасалған.

«Береке бастауы бірлік, ел іші тату тірлік» деген қағида-ны ту еткен «Ембімұнайгаз» АҚ-да бүгінгі таңда бес мыңға жуық адам еңбек етіп жатса, олардың 97% – жергілікті ұлт өкілдері, 3% – орыс, украин, неміс, башқұрт, татар, корей, қырғыз ұлт өкілдерінен. «Діні мен тілі басқа, тілегі бір» бірнеше ұлт өкілдері бір шаңырақ астында – Ембі өндірісінде жиналып, табысты еңбек етуде. Ең бастысы, ұлтаралық татулықтың нәтижесінде бүгінде еліміз тыныш, жұртымыз аман. Осы берекеміз бұзылмағай деп тілейміз. Қазақстанды мекен еткен ұлт өкілдерінің айнымас достығына сызат түспесін.

***Туған Отанымыз – тәуелсіз Қазақстанның
тұрақтылық пен бейбітшіліктің мекеніне
айналдыру жолындағы еңбектеріңізге
толағай табыс тілейміз!***

Береке-бірлігіміз арта берсін, азайын!

Құрметпен, «Ембімұнайгаз» АҚ басшылығы



БАС КОМПАНИЯЛАР ЖАҢАЛЫҚТАРЫ

ҚҰРМЕТТІ ӘРІПТЕСТЕР!

«ҚАЗМҰНАЙГАЗ» ҰК АҚ БАСҚАРМА ТӨРАҒАСЫНЫҢ ҮНДЕУІ ҚҰРМЕТТІ ӘРІПТЕСТЕР!

Біз Қазақстанның барлық дерлік өңірлерінде күрделі және ықтимал қауіпті жұмыстарды орындай отырып, ірі мұнай компаниясында жұмыс істейміз. 2020 жыл біздің сала үшін оңай болған жоқ, бірақ, барлық сын-қатерлерге қарамастан, біз өндірістік процестердің тұрақтылығын қамтамасыз етіп қана қоймай, сонымен қатар, өндірістік қауіпсіздік, еңбекті және қоршаған ортаны қорғау көрсеткіштерін едәуір жақсарттық.

«ҚазМұнайГаз» ҰК АҚ Халықаралық мұнай және газ өндірушілер қауымдастығына (IOGP) кірген сәттен бастап алғаш рет жарақаттылық және жол-көлік оқиғаларының коэффициенттері IOGP орташа салалық көрсеткіштерінен төмен болды. Бұған ҚМГ компаниялар тобының барлық қызметкерлерінің көп жылғы мақсатты жұмысы, Директорлар кеңесінің көшбасшылығы мен қолдауы, үздік салалық практикаларды енгізу ықпал етті.

«ҚазМұнайГаз» ҰК АҚ компаниялар тобының тарихында алғаш рет жыл еңбек қызметіне байланысты өліммен аяқталған жазатайым оқиғаларсыз аяқталғанын ерекше атап өту қажет.

Біздің өндірістік объектілерімізде қауіпсіздік мәдениетін дамытуға қосқан жеке үлесі үшін үлкен ұжымның әрбір қызметкеріне алғысымды білдіргім келеді.

Дегенмен, былтыр жазатайым оқиғалар мен жазатайым жағдайлар орын алғандықтан, бүгінгі таңда біздің алдымызда ортақ міндет тұр – кем дегенде, біздің көрсеткіштерімізді ағымдағы деңгейде сақтап, оларды үнемі жақсарту. Болашақта біздің бірлескен күш-жігеріміздің арқасында өмір мен денсаулық қауіпсіздігін қамтамасыз ету, сондай-ақ, қоршаған ортаны қорғау саласында жақсы нәтижелерге қол жеткіземіз деп сенемін.

Бекітілген Экологиялық саясатқа сәйкес ҚМГ мен оның ЕТҰ басшылығы қоршаған ортаның ластануына байланысты шығындар мен залалдарға қатысты нөлдік төзімділік қағидатын сақтайды.

Біз экологиялық жауапты бизнес жолын ұстануды жалғастырамыз, қоршаған ортаны қорғауды басқару жүйесін дамытамыз, барлық мүдделі тараптармен диалог жүргіземіз. Нәтижесінде, ҚМГ Ресейдің WWF, Ұлттық рейтингтік агенттік пен Steon Group тәуелсіз сарапшыларының бағалау қорытындылары бойынша Қазақстан Республикасының мұнай-газ компанияларының экологиялық ақпаратының ашықтығы рейтингінде қатарынан 4 жыл 1-ші орын алуда.

Өздеріңіз білетіндей, 2021 жылы Қазақстан Республикасының жаңа Экологиялық Кодексі қабылданды. Ел декарбонизациялауға және экологиялық талаптарды күшейтуге бет бұрды, ең озық қолжетімді техникаға көшу және қоршаған ортаға тиетін әсерді барынша азайту нормалары енгізілуде.



Экологиялық Кодексі қабылданды. Ел декарбонизациялауға және экологиялық талаптарды күшейтуге бет бұрды, ең озық қолжетімді техникаға көшу және қоршаған ортаға тиетін әсерді барынша азайту нормалары енгізілуде.

Осыған орай, экологиялық қауіпсіздікке назар аударуды арттыру, қоршаған ортаға тиетін әсерді азайту, сондай-ақ жаңа экологиялық талаптарға және жаһандық үрдістерге сәйкестік үшін шаралар қабылдау мақсатында, мен «ҚазМұнайГаз» ҰК АҚ компаниялар тобы бойынша 2021 жылды Экология жылы деп жариялау туралы шешім қабылдадым.

Коронавирустық инфекция пандемиясының таралу қарқынының жалпы төмендеуіне қарамастан, ол әлі де адамдардың денсаулығына қауіп төндіреді және кәсіпорындардың, оның ішінде біздің кәсіпорындардың қызметіне белгілі бір шектеулер қояды. Сондықтан да, ағымдағы жылы бәрімізге профилактикалық шаралар мен санитариялық талаптарды орындау бойынша бірлескен жұмысты жалғастыру қажет. Осы мүмкіндікті пайдалана отырып, барлық қызметкерлерімізді халықты вакцинациялау жөніндегі мемлекеттік науқанға белсенді қатысып, мүмкіндік пайда болғаннан кейін коронавирусқа қарсы екпе алуға шақырғым келеді.

Біздің қызметкерлеріміз – «ҚазМұнайГаз» ҰК АҚ үшін ең жоғары құндылық, сондықтан да, біздің басты міндетіміз – кәсіпорындарымызда жұмыс істейтіндердің барлығының өмірі мен денсаулығын сақтау.

Әрқайсымыз еңбек күнінен кейін отбасымызға аман-есен оралуымыз үшін сіздерді өндірістік қауіпсіздік пен еңбекті қорғаудың қарапайым қағидаларын сақтауға шақырамын.

А. АЙДАРБАЕВ,
«ҚазМұнайГаз» ҰК АҚ
Басқарма төрағасы

ТАҒАЙЫНДАУ

ЕМБІДЕ ЖАҢА ТАҒАЙЫНДАУ

Әлеуметтік саясат және әкімшілік қамтамасыз ету департаментінің директоры болып Қуандық Мәдениетұлы ҚАЛИДУЛЛИН тағайындалды.



Айта кетейік, Қуандық Мәдениетұлы Ембіде бұған дейін де аталған саланы басқарған болатын.

Еңбек жолын 2000 жылы «Өзенмұнайгаз» ААҚ мұнай кәсіпшілігі жабдығының слесарь-жөндеушісі болып бастады. Кейінгі жылдары Мұнай кәсіпшілігі жабдықтарын және технологиялық коммуникацияларды жөндеу басқармасының слесарь-жөндеушісі, заңгері, «Өзенмұнайгаз» ӨФ әлеуметтік даму департаментінің маманы, бас маманы, директордың орынбасары, «Өзен-Елес» ЖШС директорының орынбасары, директоры, «Ембімұнайгаз» ӨФ әлеуметтік саясат департаментінің әлеуметтік қамту бөлімі бастығының орынбасары, бастығы, «KMG EP-Catering» ЖШС Атырау филиалының директоры, «Ембімұнайгаз» АҚ әлеуметтік саясат департаментінің әкімшілік-шаруашылық бөлімінің бастығы, әлеуметтік саясат департаментінің директоры болып еңбек етті.

Осы уақытқа дейін «KMG EP-Catering» ЖШС Бас директоры лауазымында қызмет атқарды.

ИГЕРУДІҢ БАРЛЫҚ ӘЛЕУЕТІН ҚАМТУ




Өнім өндірудің соңғы сатысындағы кен орындары үшін өзекті мәселе оларды игеру тиімділігін арттыру болып табылады. Тұтқырлығы жоғары мұнай кен орындарын игеру үшін қандай тәсілдер мен технологиялар енгізіліп жатқаны және компания горизонталды ұңғымаларды бұрғылаудан алған нәтижелері туралы «Ембімұнайгаз» АҚ Басқарма төрағасының геология және игеру жөніндегі орынбасары Қайрат ӘДІЛБЕКОВПЕН сұхбатында баяндалмақ.

◆ **Қайырлы күн, Қайрат Әділбекұлы! Оқырмандарға тұтқырлығы жоғары мұнай кен орындарын игеру үшін Компанияда қандай тәсілдер мен технологиялардың енгізіліп жатқанын айтып өтсеңіз.**

Өздеріңізге белгілі, өнім өндірудің соңғы сатысындағы кен орындарында, әдетте, мұнайдың салыстырмалы түрде төмен тұтқырлығымен және серпінді су айдау режимінде игерілуімен сипатталатын жоғары өткізгіш қабаттарда шоғырланған «жеңіл» қорлар бірінші кезекте таусылады. Мұндай жағдайларда мұнайды қайта өндіру әдістерін қолдану арқылы қабаттың мұнайбергіштік коэффициентінің артуына ықпал ететін әдістер ерекше өзектілікке ие болады. Осындай технологиялардың бірі – полимерлі суландыру.

Полимерлі суландыру қабатқа химиялық әсер ету әдісіне жатады. Әдетте басқа сұйықтарға тән, полимерлі қоспа қабатқа айдалған кезде, өткізгіштігі жоғары қабаттармен, яғни, қарсылық күштері аз бағытта жүруге тырысады. Осы ретте екі әсердің үйлесімін жасайды, олар – мұнайды игеруші агенттің тұтқырлығын арттыру және сұйықтық ағынының динамикалық әртектілігін азайту арқылы кеуекті ортаның өткізгіштігін төмендету. Осының салдарынан қабатты полимерлі қоспамен тоғытудың қамту көлемі ұлғаяды. Бұл жерде полимерлі қоспаның негізгі ерекшелігі тек судың тұтқырлығын арттыру емес, сонымен қатар, қабаттың өткізгіштігін азайту.

Полимерлі суландыру тәжірибелік-өнеркәсіптік сынақ (ТӨС) жобасы 2019 жылдың тамыз айында Кенбай кен орнының Ш.Молдабек



2 сурет. Горизонталды ұңғыманы жоспарлау.

2 суретте 2021 жылы бұрғылауға жоспарланған горизонталды ұңғыманың жалпы сипаттамасы көрсетілген. Горизонталды секцияның бағанасы, алдымен, төменгі аралық қабатта, кейін жоғарыға қойнауқатқа шығатындай етіп жасақталған.

учаскесінде мұнайы ауыр және жоғары тұтқырлықпен сипатталатын М-II горизонтында жүзеге аса бастады. Мұндай кен орындарын су айдау арқылы игеру оң нәтиже бермей келеді және тәжірибе көрсетіп отырғандай, мұнай өндіру ұңғымаларының «агрессивті» сулануына әкеліп отыр.

Айдау ұңғымаларын таңдау және полимер қоспасының оңтайлы концентрациясы бойынша ауқымды талдау жұмыстары мен зертханалық зерттеулер жүргізілді. 2 сұйықтық айдаушы ұңғымалар және солардың ықпалында болатын 15 өндіруші ұңғымалары бар пилоттық учаске іріктелді.

Учаскенің ауданы - 542,5 мың м²., тереңдігі – 165 м, қойнауқаттық жағдайдағы мұнайдың тығыздығы мен тұтқырлығы – тиісінше 0,893 г/см³ және сәйкесінше 217 сП, температурасы – 25 оС, өткізгіштігі 502 мД. Сондай-ақ, 2021 жылы «ҚМГ Инжиниринг» ЖШС біздің компанияның тапсырысы бойынша Кенбай кен орны Шығыс Молдабек учаскесінің тұтқырлығы жоғары мұнайын игеру бағдарламасын әзірледі. Оның ішінде, полимерлі суландырудан басқа бірқатар технологиялар бар. Атап айтсақ, ыссы су айдау, горизонталды ұңғымаларды бұрғылау, ұңғымаларды жоғары құм шығару деңгейі арқылы пайдалану, бір ұңғыманы бір мезгілде бірнеше қабатты игеруге пайдалану технологиясы. Соңғы атап өткен технологияны ТӨС өткізу жұмысын биыл бастауды жоспарлап отырмыз.

◆ **«Ембімұнайгаз» АҚ бірнеше жыл бұрын горизонталды ұңғымаларды бұрғылауға батыл кірісе бастады. Бұл бағытта компания қандай жетістіктерге жетті?**

Біз бұл горизонталды ұңғымаларды бұрғылау технологиясын енгізуді ең алдымен, мұнайға қаныққан қабаттарды ашу деңгейін ұлғайту арқылы көмірсутек қорларын игеру мен өндіру деңгейін арттыруды мақсат етіп қойдық. Бұл өз кезегінде ұңғымалардың өнімділік коэффициенті мен дренаждау аумағының өсуіне әкеледі.


Гидродинамикалық зерттеулер қорытындысымен, Шығыс Уаз кен орнынағы №111 ұңғыманың мұнай өнімділігінің орташа коэффициенті 72,5 (м³/тәул)/атм құраса, сол Ю-III қабаттың вертикалды ұңғыманың орташа өнімділік коэффициенті 9 (м³/тәул)/атм құрайды. Сәйкесінше, бұл кен орны бойынша горизонталды ұңғыманың өнімділік коэффициенті вертикалды ұңғымаларға қарағанда 8 есе артық.

2020 жылы Гран кен орнында №78 көлденең ұңғыма бұрғыланды. Оның ерекшелігі – бұл «ҚазМұнайГаз» ҰК» АҚ компаниялар тобы бойынша бұрғыланған алғашқы ең ұзын көлденең ұңғыма (қабатты ашу ұзындығы 941 м). Сонымен қатар, 2020 жылы Оңтүстік Батыс Қамысты кен орнында Н-1 ұңғымасы бұрғыланды. Ұңғыма жоғары тұтқыр мұнаймен сипатталатын Альб-1 тайыз қойнауқатына тереңдігі 230 м-ге бұрғыланды.

Биылғы жылы қазылып жатқан кейбір ұңғымалардың траекториясы күрделеніп кетті. Олар екі мұнай қойнауқатымен өтетін болады. Горизонталды оқпан алдымен бірінші қойнауқат арқылы өткізіліп, содан кейін екінші қойнауқатты тиімді аша алады. Бұл тәсіл екі әртүрлі қабатта орналасқан қойнауқаттарды максималды қамту арқылы игеруге мүмкіндік береді.

Алғашқы сәтті қазылған горизонталды ұңғымалар қорытындысы біз таңдаған бағыттың тиімділігін көрсетті. Сондықтан, жыл сайын горизонталды ұңғымалар санын көтеруді жоспарлап отырмыз. Яғни, 2019 жылы 4 горизонталды ұңғыма бұрғыланса, 2020 жылы – 9, ал, 2021 жылы 14 горизонталды ұңғыма бұрғылау жоспарлануда.

◆ **Сұхбатыңызға рахмет!**



1 сурет. С. Балғымбаев кен орнының 242 ұңғымасындағы соңғы геонавигациялық модель

1 суретте С. Балғымбаев кен орнының 242 ұңғымасындағы соңғы геонавигациялық моделі (I-Неоком горизонты) көрсетілген. Ұңғыманы бұрғылаудың барлық кезеңінде онлайн режимінде тұрақты бақылау жүргізілді. Нәтижесінде, көздеген қабаттың вертикалды қалыңдығы 2-3 м болуына қарамастан, горизонталды оқпанның ұзындығының (348 м) 80%-дан астамы мұнайға қаныққан болып шықты. Бұрғылау кезінде тиісті түзетулер енгізілмегенде, ұңғыма оқпаны I-неоком мен апт-неоком қабаттарының арасындағы сазды қабатқа түсер еді.



ҮНДЕУ

ҚҰРМЕТТІ ӘРІПТЕСТЕР!

Елімізде эпидемиялық ахуалды бағалау матрицасына, яғни, қауіпті індет жұқтырғандар санының тәуліктік көрсеткішіне байланысты бүгінде Атырау облысы әлі де «қызыл» аймақта тұр. Бұл облыстық санитарлық-эпидемиологиялық орган тарапынан коронавирус індетінің таралуының алдын алу бағытындағы сақтық шараларына қарамастан, пандемия күшін жоймай отырғандығын көрсетеді. 23.04.2021 ж. күнгі дерек бойынша тәулік ішінде облыс бойынша 133 адам COVID-19 вирусын жұқтырған. Сондықтан, вирустың таралуын тежеп, қалыпты өмірге оралудың, бетпердесіз жүрудің жалғыз жолы – вакцина алу. Вакцина алу жөнінде бүгінгі күні халық арасында көптеген қауесет әңгімелер тарауда.

«ЖИІ КЕЗДЕСЕТІН ТҮСІНІКТЕР»



«Коронавируспен адам денесіндегі иммунитет еш екпесіз, өздігінен күресуі керек», «табиғи иммунитетті қалыптастыру қажет»



«Бұл – жаңа вакцина»



Вакцинаалған адам COVID-19-пен ауырмайды



Коронавируспен ауырған адамдарға вакцина салу қажеттілігі туындамайды



Вакцинадан кейін маска тақпай жүруге болады



Вакцина мутацияланған - британдық, бразилиялық және оңтүстік африкалық коронавирустан сақтамайды



Вакцинация иммунитетті әлсіретеді, сал ауруына шалдықтыруы, бедеулікке, аутизмнің дамуына әкеп соғуы мүмкін және т.б.

«ЕСТЕ САҚТАҢЫЗ»

✓ Коронавирус ауруы адам ағзасына сай түрлі сипатта болады. Ең жиі кездескені – иіс-дәм сезбеу. Атап өту керек, вирус ағзаға түскенде, дененің бір бөлшегін зақымдайды. Ал, одан емделу жолы болмай қалуы мүмкін. Мәселен, иіс-дәм сезбеудің соңы мидың дұрыс жұмыс жасауына, есте сақтау қабілетінің бұзылуына әкеп соғып жатқан жағдайлар аз емес.

✓ Бұл вакцина, негізінен, 18 жыл бұрын жасақталған. Өздеріңіз білесіздер, 2002 жылы Қытайда SARS-COV коронавирусы тіркелді. Дерттің сол түріне қарсы алғашқы вакцинасы сол кезде шығарылды. Кейін 2012 жылы жылы Таяу Шығыста MERS синдромды коронавирусы пайда болды. Сол кезде де вакцина қолданылған. Ал, қазіргі жағдайда ғалымдар сол вакцинаның негізінде қауіпті емес, ауру тудырмайтын аденовирусты тандап, оған S-коронавирус ақуызын енгізді. Аденовирус иммундық жүйеге коронавирус ақуызын жеткізу арқылы өзі жойылады. Адам ағзасы S-ақуызын енгізуге иммундық реакцияны бастайды.

✓ Вакцинация инфекциядан 100% қорғамайды, бірақ, асқынудан немесе мүгедектіктен сақтайды.

✓ Коронавирустық инфекциядан жазылып шыққандар да екпеден бас тартпауы керек. Өйткені, уақыт өте келе, COVID-19-ға қарсы антидене әлсіреп, қайтадан вирус жұқтыру қаупі туындайды. Бұған қоса, антидененің вирустан сақтайтын нақты саны әлі күнге дейін белгісіз. Сондықтан, мықты иммунитет қалыптастыру үшін вакцина алған жөн.

✓ Екпе вирустан 100% пайызға қорғамайды. Бұған қоса, екпе алған адамдарда коронавирус инфекциясы жеңіл түрде өтеді. Сондықтан, адам өзі білмей, өзгелерге вирус жұқтыруы мүмкін. Маска тағу керек.

✓ Вакцина COVID-19-дың барлық штамдарынан қорғайды.

✓ ДДСҰ жаппай қолдануға рұқсат берген вакциналар ауруларға қарсы күресте олардың қауіпсіздігін және тиімділігін дәлелдеу мақсатында міндетті түрде тестілеуден және клиникалық сынақтардан өтеді, сондай-ақ ұлттық реттеуші стандарттарына сәйкес келетіндігі тексеріледі. 19.04.2021 ж. мәлімет бойынша 208 млн халық вакцинаның 2 компонентін алған. Ал, Қазақстан бойынша бұл көрсеткіш 123 мың адамды құрайды. Аталған қауіптер негізсіз екенін осыдан аңғаруға болады.

ВАКЦИНА ӘЛЕМДІ ҚАЛАЙ ӨЗГЕРТТІ?

Тарихқа көз салсақ, вакцинациялау медицинаның ең үлкен жетістіктерінің біріне айналды. Жаппай екпе егудің сәтсіз тәжірибесі жоқ. Дүниежүзілік денсаулық сақтау ұйымының дерегінше, адамзат осы күнге дейін шешек, менингит, дифтерия, сіреспе, қызылша, полиомиелит сынды аурулардың емін екпеден тапқан.

Шешек - шешек дерті вакцинацияның арқасында бүкіл әлемде жойылып кеткен жалғыз ауру саналады. Бұл аурумен адамдар біздің дәуірімізге дейін ауыра бастаған. XVIII ғасырда Еуропада жыл сайын 400 мың адам қайтыс болды және бұл соқырлықтың барлық жағдайларының үштен біріне себеп болды. XX ғасырдың өзінде шешек 300 миллион халықтың өмірін қиды.

Полиомиелит. 1900 жылдардың басында полиомиелиттен жыл сайын 100 мыңдаған адам қайтыс болған екен. 1950 жылы ауруды қайтаратын екі түрлі вакцина ойлап табылды.

Қызылшаға қарсы жалпы вакцина енгізілгенге дейін 95 %-дан аса адамдар 16 жасқа дейін бұл инфекцияны жұқтыратын болған. Дертке қарсы егу жұмыстары кең жүргізілгеннен кейін қызылшамен ауру едәуір төмендеді. Ауыр асқынуы орталық жүйке жүйесінің зақымдануына әкелетін аурудан толық сақтану үшін 15 жасқа дейінгі балаларға вакцинация жасау керек.

SARS-COV коронавирусы (ауыр респираторлық синдром) - 2002 жылы Қытайда тіркеліп, науқастардың 25-26% (әрбір 4-ші адам) қайтыс болды. Дегенмен, коронавирустың сол түріне қарсы вакцина сол кезде шығарылды.

MERS коронавирусы. Коронавирустың кейінгі эпидемиясы араға 10 жыл салып оралды. 2012 жылы жылы Таяу Шығыста аталған синдром пайда болып, вирус жұқтырғандардың 33-35% (әрбір 3-ші адам) көз жұмды. Сол кезде де вакцина қолданылған.

Бұдан басқа холера, дифтерия, жапондық энцефалит, құтыру, сіреспе, сары безгек және тағы басқа аурулардың емі – вакцина екенін әлемдік медицина тарихы дәлелдеді.

ҚҰРМЕТТІ ӘРІПТЕСТЕР!


Қазақстан Президенті Қасым-Жомарт Тоқаевтың өзі бастап вакцина алып, халықты екпе алуға шақырған болатын. Бүгінгі таңда Атырау облысы бойынша 15 мыңға жуық адам коронавирусқа қарсы екпе алған. Соның ішінде, «Ембімұнайгаз» АҚ-ның 25 қызметкері бар. Шамамен, 100 ембілік вакцинациялануға ниет білдіріп отыр. Өте құптарлық іс. Өйткені, бұл Компанияның қызметінің үздіксіз жүруіне белгілі бір шектеулер қойып, қызметкерлеріміздің денсаулығына қауіп төндірмеді.

Жоғарыда атап көрсетілгендей, вакцинаның еш қауіпі жоқ екендігін уақыттың өзі дәлелдеп отыр. Вакцина «өлтірілген» вирус жасушасына негізделген. Яғни, вакцинаны енгізу кезінде бұл жасуша аурудан сақтайды және иммунитетке вирусты тануға және азғаға түскен кезде оған бірден шабуыл жасауға көмектеседі. Сондай-ақ, вакцина маңызды органдардың: жүрек, бауыр, бүйрек, өкпе, қан айналым жүйесі және т.б. асқынуынан қорғайды.

Коронавирус пандемиясының алдын алу, профилактикалық шаралар мен санитариялық талаптарды орындау нәтижесінде, вахталық жұмыс мерзімін ағымдағы жылдың 1-сәуірінен бастап 14 күнге қайта қалпына келтірдік. Алайда, ауру белең алатын болса, кері ұзарту туралы шешім қабылдауға мәжбүрлік туындайды.

Сондықтан, біз вакцинаға тәуелді қоғамда өмір сүріп жатқанымызды түсінуіміз қажет. Халықтың көп бөлігі вакцинацияланғанда ғана біз бұл инфекцияны жеңе алатынымызды сарапшылар айтып отыр. Сонымен, ұжымдық иммунитетті қалыптастыру үшін барлық қызметкерлерімізді халықты вакцинациялау жөніндегі мемлекеттік науқанға белсенді қатысып, коронавирусқа қарсы екпе алуға шақырамыз!

«Ембімұнайгаз» АҚ басшылығы





«Ауырып, ем іздегенше, ауырмаудың жолын іздейік»

Әлемде коронавирус пандемиясы жарияланғанына бір жылдан аса уақыт болды. Осы уақыт аралығында миллиондаған адам жақынынан айырылып, мыңдаған адам әлі де пандемияның салдарын көріп жатыр. COVID-19 пандемиясының нақты қашан аяқталып, адамдар қалыпты өмірге қашан оралатыны дәл қазір белгісіз. Сарапшылар мен ғалымдар, дәрігерлер пандемияны тоқтатудың бірден-бір жолы – тек вакцина алу екендігін айтады. Коронавирусқа қарсы вакцина қанишалықты сенімді? Екпе алғаннан кейін қандай әсер болады? Осы мәселе тұрғысында біз Компаниямыз бойынша алғашқылардың бірі болып екпе алған «Ембімұнайгаз» АҚ Басқарма төрағасының экономика және қаржы жөніндегі орынбасары Рысты Нұрғалиқызы ТАСМАҒАМБЕТОВАМЕН әңгімелестік.

Рысты Нұрғалиқызы, сұхбатымызды коронавирусқа қарсы вакцина алудың адам өмірі үшін тиімділігінен бастасақ. Әлемдік сарапшылардың мәлімдеуінше, коронавирус жөтел не маусымдық тұмау секілді вирус түрі болып қалуы мүмкін. Оның бәрі вакцинацияның арқасында және көп адам COVID-19-ды жұқтырып, ауырып, иммундық қорғаныш қалыптасқаннан кейін болады. Осы орайда, вакцинаның маңыздылығы туралы айтып өтсеңіз...

- Иә, сондықтан біздің басты мақсатымыз – барлық қызметкерлерді, соның ішінде, коронавируспен ауырмай, антиденелер қалыптаспаған жұмыскерлерге дертке қарсы вакцина алудың маңыздылығын түсіндіру. Өйткені, бұл біздің жұмысқа қабілеттілігімізге, өндірістің тоқтаусыз жұмыс жасауына және, ең бастысы, қызметкерлеріміздің қауіпсіздігі мен денсаулығына тікелей әсер етеді. Ал, еліміз, соның ішінде, Атырау облысы бойынша күн санап вирус жұқтырған адамдар саны азаймай отыр.

Вирус жаңа. Сәйкесінше, осы дертке қарсы вакцина да енді салына бастады. Сондықтан, оның әсері туралы қоғамда көптеген алыпқашпа әңгімелер тарауда. Әрине, қорқыныш бар. Дегенмен, аурудың қайсыбір түрінен қорғану үшін вакцина қабылдайсың. Бұл – адамзат тарихында қалыпқа енген тәжірибе. Бала дүние келгеннен кейін туберкулез ауруына қарсы екпе алады. Дәл сол сияқты, бұл вакцина да осы індеттен қорғанудың, оның таралуының алдын алудың бір жолы деп есептеймін.

Вакцина екі компоненттен тұрады. Олар организмге түскеннен кейін вирусты жоятын иммундық ақуыз пайда болады. Атап өтерлігі, вакцина құрамында уландырғыш заттар жоқ. Ең маңыздысы, 2 компонентті де жібермей, алуға шақырамын.

Қазақстанда вакцинация ерікті түрде жүргізіледі. Кез келген адам өзін, отбасын, жұмыс жасайтын ортасын қорғау үшін вакцина алу керек деп есептеймін. Осы мақсатта мен де отбасыммен бірге ерікті түрде ресейлік Спутник V вакцинасын алдым.

- Бізге вакцина алуға қалай жазылуға болатыныны сұрап әріптестеріміз жиі хабарласады. Сіз екпе алуға қалай жазылдыңыз?

- Вакцинаға алуға жазылу кез келген адам үшін қолжетімді. Үйде отырып-ақ, «eGov» жүйесі арқылы тіркелуге болады. Жеке кабинетке кіргенде «Вакцинаға жазылу» арнайы тармағы бар. Кейін қадамдық алгоритммен өтіп, мекен-жайыңызды белгілеп, екпе егетін медициналық мекемені таңдайсыз. Еш күрделілігі жоқ. Өтініш 1 күнде қаралып, әлеуметтік алыстау шараларын ескере отырып, ұялы телефоныңызға вакцинацияның күні, уақыты және орны туралы хабарлама келеді.

Сондай-ақ, екпе алуға жазылудың екінші жолы бар. Облыстың денсаулық сақтау басқармасының сайтында көрсетілген бірыңғай call-орталықтың +7 (7122) 98 02 92 телефон нөміріне хабарласу арқылы жазылуға болады.

Айта кетерлік жайт, қазіргі таңда «Ембімұнайгаз» компаниясы қызметкерлерді вакцинациялауға арналған қосымша пункттер ашу мәселесін қарастыруда. Бұл жөнінде қызметкерлерге қосымша хабарланады.

- Вакцина салар алдында дәрігерлік тексеру, кеңес беру жұмыстары жүргізілді ме?

- Вакцинациялауға профилактикалық егуге қарсы көрсетілімдері жоқ адамдар жіберіледі. Вакцинациялау алдында дене қызуын, жүректің соғу жиілігін, артериялық қысымды өлшей отырып, тыныс алу және жүрек-қан тамырлары жүйесі мен жұтқыншақты, сатурацияны (сұйықтықтың газбен қамтылуы- ред.) тексеріп, дәрігердің міндетті сауалнамасы және қарап-тексеруі жүргізіледі. Егер дене қызуы 37°C-тан асса, вакцинация кейінге қалдырылады. Вакцинация 3 апта аралығымен екі рет жүргізіледі. Енгізілгеннен кейін организм антиденелер шығара бастайды. Тұрақты иммунитет екінші вакцинациядан 21 күн өткен соң қалыптасады.

- Вакцина алғаннан кейін қандай күйде болдыңыз? Кері әсер болған жоқ па?

- Екпеден кейінгі кезең жеңіл түрде өтті, ешқандай қарсы реакция байқалған жоқ.

- Адамдардың вакцинацияланғанын дәлелдейтін паспортты алу жөніндегі тәжірибеңізбен бөліссеңіз.

- Паспорт екпе қабылдайтын халықты бақылау, мониторингілеу және үздіксіз қарау үшін денсаулық сақтау саласындағы негізгі модуль саналады. Паспорт электронды түрде беріледі. Ол медицина қызметкерлері үшін Денсаулық сақтау министрлігінің ақпараттық ресурстары арқылы қолжетімді. Ал, пациенттердің «eGov» порталындағы жеке кабинеттеріне түседі. Атап өту керек, екпе алғанды куәландыратын құжат тек вакцинаның 2 компонентін алғаннан кейін жіберіледі.

- Вакцинацияның электрондық паспорттың азамат туралы, ол алған екпенің түрі, егудің кезеңділігі, сондай-ақ, вакцинациядан кейінгі кезеңдегі бақылау туралы ақпарат қамтылады. Яғни, толық медициналық бақылауда боламыз деген сөз.

- Халық арасында «кез келген адам коронавируспен ауырып, емделіп шығып жатыр. Сондықтан, екпе алудың қажеттілігі қандай?» деген сұрақты жиі естіміз. Сіз не айтар едіңіз?

- Науқастанған адамдардың көбінде ауру күрделі түрде өтетіні белгілі. Және оның салдарынан да әлі күнге зардап шегушілер жиі кездеседі. Мысалы, әріптестеріміздің арасында өткен жылдың жаз айларында ауырып, емделіп шықса да, әлі күнге дейін дәм-иіс сезбей немесе жөтел кетпей жүрген адамдар бар. Ал, созылмалы ауруы бар адамдарға бұл дерттен айығу оңайға соқпайды. Әр адамның организмі, иммундық қабілеті әртүрлі. «Вакцина алған адам мүлдем ауырмайды» деген де – қате түсінік. Ауыруы мүмкін, бірақ, жеңіл түрде өтеді және денсаулыққа әсер ететіндей салдары болмайды.

Сондықтан, сөз соңында, барлық әріптестерімізді вакцина алуға шақырамын. Өзімізді және айналамыздағы жақындарымыз бен әріптестерімізді қауіпті індеттен қорғайық!

- Сұхбатыңызға рахмет! Саулықта болайық!

(Екпе алғанды куәландыратын құжат)



Жуырда әлеуметтік желілерде Қошқар кен орны маңындағы тұзды көлдегі 8 аққуды мұнайшылар құтқарғаны туралы ақпараттар тарады. Жергілікті тұрғындар мен бұқаралық ақпарат құралдары өкілдері киелі құстардың тағдырына қатты алаңдаушылық білдірген болатын. Мәселенің мән-жайын толық баяндасақ...

Сордың үстіне қонып, қанаттарын тұз басып, ұша алмай, әбден қиналған аққуларды «ҚазМұнайГаз» Бұрғылау» сервистік бұрғылау кәсіпорны» ЖШС №4 бұрғылау бригадасының бастығы Ринат Тоқтабаев бастаған жұмысшылары құтқарды.

Мұнайшылар Атырау облыстық орман шаруашылығы және жануарлар дүниесі инспекциясының бастығы Нұрлан Иманғалиевке хабарласқанда, ол ең жақсы шешім оларды тұщы су қоймасына жеткізу болатынын, өйткені, аққулар үстеріндегі тұзды шайып, табиғи және жайлы ортасына оралатынын айтты.

Мұнайшылар аққуларды қаланың тұщықарды



Осыған орай, «Доссормұнайгаз» МГӨБ жұмысшылары дереу құтқару жұмыстарына кірісіп, Атырау қаласына жақын жердегі Соколов өзеніне бірер сағатта жеткізді.

Осылайша, қасиетті Рамазан айының алғашқы күнінде доссорлық мұнайшылар үлген игі істі қолға алып, кешке қарай аққулар үйірімен айдынға жіберілді. Киелі құстарды құтқаруға біркісідей атсалысқан «ҚазМұнайГаз» Бұрғылау» компаниясы мен «Доссормұнайгаз» МГӨБ жұмысшыларына және облысымыздың жанашыр адамдарына алғыс айтамыз.

Түзету

«Ембі тынысы» газетінің 2021 жылдағы №3 санының 3-бетінде «Өндірістік бөлімшелердегі қауіпсіз күндер» тақырыбындағы материалда «ӨТҚЖЖК» басқармасындағы жазатайым оқиғасыз күндер саны – 784» деп оқу сұралады. Сәйкесінше, басқарма бұл көрсеткіште – 4-орында.



ҚАЛАНЫ КӨГАЛДАНДЫРУ НАУҚАНЫ ҚАРҚЫН АЛУДА

«Ембімұнайгаз» АҚ ҚР Экологиялық Кодексінде атап көрсетілген қоршаған ортаны қорғау бағытындағы жауапкершілікті үнемі сезініп келеді. Жуырда осындай жауапты істің тағы бір куәсі болдық.

«Жылыоймұнайгаз» МГӨБ қызметкерлері Құлсары қаласының еріктілерімен бірлесіп, Е.Халықов атындағы №7 орта мектептің жанында 100 тал отырғызды. Аталған басқарманың кәсіподақ ұйымының төрағасы Сырымбек Сәрсембаевтың мәлімдеуінше, бұл игі іс ел Тәуелсіздігінің 30 жылдығына және «Ембімұнайгаз» АҚ-ның келесі жылы атап өтілетін 100 жылдығына орай қолға алынып отыр.

Жалпы, Жылыой ауданы бұрынғы теңіздің орны болғандықтан, шөлейт аймақта орналасқан сортанды кейбір жерге талдардың, жас көшеттердің, қара ағаштардың өсіп шығуы қиынға соғатыны белгілі. Осыған байланысты, қаланы көгалдандыру шарасын ұйымдастырушы еріктілер аудандағы ірі компания – «Жылыоймұнайгаз» МГӨБ басшылығынан мекеменің су құятын көлігімен жас көшеттерге су құйып тұруға жәрдемдесуді сұраған болатын. Ұсыныс бірден қабылданып, жас талдарды суару жұмыстары басталып кетті. Бір аптаның ішінде талдар бүршік жарып үлгерді. Енді күтім жасау ғана керек.

Жастар игі бастаманы одан әрі жалғастырып, өткен аптада тағы 100 тал қосымша екті.



«ҚазМұнайГаз» АҚ компаниялары тобында жарияланған Экология жылы аясында мұнайлы өлкені көгалдандырып, көркейту мақсатында жылыойлықтардың бұл ісі көпке үлгі.

ДОССОР – ҚАЗАҚ МҰНАЙЫНЫҢ ҚАЙНАР КӨЗІ

ОСЫДАН 110 ЖЫЛ БҰРЫН – 1911 ЖЫЛДЫҢ 29 СӘУІРІНДЕ ДОССОРДАҒЫ №3 ҰҢҒЫДА ҚУАТТЫ МҰНАЙ БҰРҚАҒЫ АТҚЫЛАДЫ

1911 жылы ғана Ембіде терең бұрғылау жұмыстары басталды. Оның сәтті аяқталғаны Доссорда жүргізілген бұрғылау жұмысы еді.

Бұл тарихи оқиға болды. Себебі, бір тәуліктен астам уақытта, дәлірек айтқанда, 30 сағатта Ембідегі ең бірінші ағылшын акционерлік қоғамы «Жайық-Каспий» мұнай қоғамы 226 метр тереңдікте қазған Доссордағы дәл осы №3 ұңғымадан 16 мың пұт «қара алтын» өндірілген. Сол кездің өлшемімен есептегенде, бұл аз өнім емес еді.

Доссор кенішінің мұнайын өнеркәсіптік игеру де, алғашқы жұмысшы табының қалыптасу кезеңі де дәл сол кезден, яғни, 1911 жылдан бастау алды. Екі жылдан соң Доссорда 2100 жұмысшы тұрақты кәсіпке орналасып, Ембі мұнайшыларының қатары 6000-ға жеткен. Ал, Доссор атауын иеленген елді мекенде мұнайшылар қалашығының іргесі қаланып, он тұрғын үй, сегіз қазарма, үш барак, екі асхана мен аурухана, сондай-ақ, монша мен электр стансасы секілді күнделікті тұрмыс пен ырғақты жұмысқа қажетті нысандар бой көтереді.

Есімі елімізге кеңінен танымал геолог-барлаушы Мақаш Балғымбаев «Мұнайлы Ембі» атты кітабында бұл маңызды оқиғаны былайша сипаттайды: «Міне, күтпеген жағдай орын алды: бұрқақтан ұшып кеткен тастың тарта алды барабан шкифіне соғылуынан туындаған ұшқыннан өрт шықты. Ол ұңғының құммен тығындалуының нәтижесінде ғана бірнеше күннен кейін тоқтады. Бұрқақ қатты болды».

Доссордағы фонтан осы өңірдің бағалы қазынасын ашты. Қазақ жерінде атқылаған қуатты ауқымды бұрқақ Ембі ауданының келешегінен үлкен үміт күттіріп, оның атағын бүкіл әлемге жайды. Ал, «Жайық-Каспий» мұнай қоғамы Ембідегі кен орындарының байлығын кеңінен жарнамалады. Сөйтіп, бұл мұнай бұрқағы Ембі мұнай өнеркәсібінің, бүкіл Қазақстан мұнайының бастауы болды. Әрине, бұдан кейінгі жылдары барлау жұмыстары аймақтың өзге аудандарында да жүргізілді, бірақ, негізгілері дәл осы жерлерде шоғырланды. Себебі, мұндағы мұнай жер бетіне жақын орналасты.

Доссор мұнай кен орны ашылғаннан кейін Ембі мұнайын барлаушыларға сәттілік серік болды. Доссор 1913 жылы 117,6 мың тонна мұнай берді. 1915 жылы «Нобель» компаниясы тапқан Мақат кен орнында бірінші мұнай алынды. 1914-1915 жылдары аталған екі кен орнында мұнай өндіру алғаш рет 200 мың тоннадан асып түсті.

Жоғарыда аталып өткендей, Доссор мұнайы химиялық құрамы мен сапалылығы жағынан күкірт пен парафин мөлшерінің аздығымен ерекшеленді. Демек, Доссор құрылымының мұнайы жеңіл, әрі сапалық құрамы жоғары болуымен де сала мамандарының назарын аудара түсті. Оған дәлел ретінде Доссор «қара алтынына» деген қызығушылықтың, әсіресе, Ұлы Отан соғысы жылдарында



да, одан кейінгі кезеңде де арта түскенін айтуға болады.

Жан алысып, жан беріскен Ұлы Отан соғысы жылдарында доссорлық мұнайшылар 12 сағаттық жұмыс кестесімен толассыз мұнай өндірді. Сөйтіп, тылдағы еңбектің көрігін қыздыра жүріп, майдан даласындағы танктердің іркіліссіз жауға қарсы шабуылдауы үшін жанармайлық мұнайды майданға үздіксіз жөнелтіп отырған.

Р.С. Ақын Асқар Тоқмағамбетовтің «Мұнайшылар, мұнай бер, Соны сенен сұрайды ел» деп басталатын өлең жолдары ұдайы мұнайшылар санасында жаңғырып тұрады. Бір ғасырдан астам уақыт өтсе де, Доссор өңірінің өлі күнге дейін мұнай беріп келеді.

Жоғарыда аталған, №3 ұңғыма 12 жыл бойы мұнай берген. Қазақстанда тұңғыш рет өндірістік негізде мұнай алынған жерге – Доссордағы №3 ұңғымаға ескерткіш белгі қойылып, қазақ мұнайының бастауынан сыр шертетін тарихи орынға айналды.

(Деректер мұрағаттан, «Қайнарбұлақ» кітабынан алынды)

К 100-ЛЕТИЮ НЕФТЯНОЙ ЭМБЫ

ИЗ СЕКРЕТНЫХ АРХИВОВ НЕФТЯНОЙ ЭМБЫ


Приближается 76-летняя годовщина окончания Великой Отечественной войны и мы опять погрузились в архивы истории нефтяной Эмбы, чтобы вспомнить о трудовых подвигах нефтяников военных лет и их весомом вкладе в победу.

Перед самой войной в 1940 году предприятия нефтедобывающей отрасли Казахской ССР – тресты «Эмба нефть» и «Актюбнефть» были объединены на базе Эмбы в «Казахстаннефтекомбинат». Аналогичные изменения организационной структуры были проведены в других союзных республиках, где в рамках постановления Совнаркома СССР «Об организационной структуре Народного комиссариата нефтяной промышленности» от 29 мая 1940 г. были созданы семь нефтекомбинатов, действовавших на хозрасчете: «Азнефтекомбинат», «Грознефтекомбинат», «Башнефтекомбинат», «Казахстаннефтекомбинат», «Майкопнефтекомбинат», «Дальнефтекомбинат», «Укрнефтекомбинат».

Такая перестройка организации управления привела к созданию в отрасли крупных вертикально интегрированных структур, где концентрировалась работа от этапа поиска месторождений нефти до ее переработки и реализации. Как выразились нефтяники «от нефтяной скважины до бензоколонки». Как показало время, данная структура была наиболее эффективной, особенно в годы войны.

О вкладе эмбинцев в победу написано немало. Сегодня мы заглянем в документы под грифом «Совершенно секретно». В 1942 году немецкая армия продвигалась в глубь страны, шли кровопролитная Сталинградская битва и бои за Кавказ. Фронт требовал много горючего. 23 сентября 1942 года во все нефтекомбинаты страны спускается приказ Наркома нефтяной промышленности СССР о форсировании добычи нефти в районах Волги, Урала, Казахстана и Средней Азии для нивелирования потерь, связанных с прекращением добычи в Майкопе и Грозном.


Для «Казахстаннефтекомбината» ставится план по увеличению среднесуточной добычи с 2850 в октябре до 3 100 тонн в декабре 1942 года. План на 1943 год должен был вырасти с 3200 в январе до 4500 тонн к концу октября. Также поставлены планы по увеличению эксплуатационного бурения – с 45 000 до 51 000 метров в период сентября 1942 года по 1 квартал 1943 года, разведочного бурения – с 41 000 до 39 000 метров, вводу скважин – с 80 до 85.



Этим же приказом все буровое и эксплуатационное оборудование, а также рабочие и служащие Азнефтекомбината и Грознефтекомбината распределяются по действующим комбинатам страны. В «Казахстаннефтекомбинат» направляются рабочие треста «Старогрознефть» в количестве 1307 человек, треста «Грознефтеразведка» – 781 чел, треста «Артемнефть» – 103 человека и 520 эвакуированных работников «Майкопнефтекомбината».

Отдельным пунктом начальнику «Казахстаннефтекомбината» Нифонтову отдается приказ:

- Довести число одновременно работающих станков в эксплуатационном бурении в октябре 1942 года до 26, в разведочном бурении до 30 с ростом к январю 1943 года до 50 и 43, соответственно.
- Увеличить к январю 1943 г. парк буровых станков до 130 за счет переброски 15 станков из Грознефтекомбината и доукомплектования 38 имеющихся некомплектованных станков оборудованием и инструментами с кавказских нефтетрестов.
- Обеспечить до конца 1942 года вырезку из законсервированных и ликвидированных скважин 10 тыс. метров обсадных труб для использования их в новых скважинах.
- Закончить к 1 декабря 1942 года строительство и монтаж второй очереди машиностроительного завода им. Петровского.
- Закончить к 1 января 1943 года строительство и монтаж механической мастерской «Электроток» и промысловых мастерских на промыслах Кулсары и Сагиз.
- Закончить до конца 1942 года строительство и монтаж и сдать в эксплуатацию: компрессорную станцию на промысле Кулсары, дизельные электростанции на промыслах Сагиз и Кулсары, а также произвести работы по обустройству промыслов на месторождениях Жолдыбай и Нармунданак (ныне – Комсомольское), построив емкости, нефтепровод до ст. Магат, механические мастерские, гаражи и жилые дома.
- Построить узкоколейную железную дорогу Магат-Косчагыл, обеспечив строительство ее на участке Магат – Бек-Бике в декабре 1942 года и на участке Бек-Бике реки Эмба во 2 квартале 1943 г.



Продолжение следует....
Руководитель службы по связям с общественностью
Сулейменова Л.Ж.



ҚҰРМЕТТІ ЕМБІЛІК ҚЫЗМЕТКЕРЛЕРДІҢ БАЛАЛАРЫ! ДОРОГИЕ ДЕТИ СОТРУДНИКОВ АО «ЭМБАМУНАЙГАЗ»!

ҚҰРМЕТТІ ЕМБІЛІК ҚЫЗМЕТКЕРЛЕРДІҢ БАЛАЛАРЫ!

1-маусым – Халықаралық балаларды қорғау күніне орай «Ембімұнайгаз» АҚ «Менің бақытты балалық шағым» атты дәстүрлі шығармашылық байқауды жариялайды!

Карантин талаптарына сәйкес биыл да байқау онлайн форматында өтеді.

Сіз шығармашылық жұмыстарыңызға, әдеттегідей» 3 тақырыпты таңдай аласыз:

- Мен ата-анам еңбек ететін Компанияның болашағын қалай көремін?
- Менің әкем/анам ел дамуына қандай үлес қосып жүр?
- Отбасыңызда COVID-19 вирусына қарсы қандай сақтық шаралары қолға алынады?

Байқаудың шарттары:

Байқауға 5 мен 15 жас аралығындағы балалар қатыса алады. Байқауға ұсынылған шығармашылық жұмыстар қазақ және орыс тілдерінде, әртүрлі жанрда – мақала, репортаж, фоторепортаж, сурет, бейнеролик (телефонға түсіруге болады) түрінде қабылданады. Балалар өздерінің шығармашылық жұмыстарына өмірбаянын (бала туралы қысқаша деректер: нешінші сыныпта оқиды, мекен-жайы, сабақтан тыс айналысатын қызығушылығы, баланың барлық марапаттары т.б.) қоса жолдаулары тиіс. Сонымен қатар, баланың аты-жөні, «Ембімұнайгаз» АҚ-да қызмет ететін ата-анасының аты-жөні жұмыс орны, лауазымы анық көрсетілуі қажет. Шығармашылық жұмыстарды G.Karajanova@emg.kmger.kz, A.Ertleuova@emg.kmger.kz электронды пошталарына немесе +77014472137 WhatsApp нөміріне жолдай аласыздар.

Байқау жұмыстары 2021 жылдың 26 сәуір – 24 мамыр күндері аралығында қабылданады. Жеңімпаздарды марапаттау шарасы маусым айына жоспарланып отыр. Жеңімпаздар Компания басшылығы атынан арнайы дипломдармен марапатталады.

Байқауға түскен шығармашылық жұмыстар жас ерекшеліктеріне қарай үш топпен бағаланады. 5-9 жас аралығындағы «Үздік жұмыс»; 10-12 жас аралығындағы «Үздік жұмыс»; 13-15 жас аралығындағы «Үздік жұмыс»;

Байқауға түскен үздік шығармашылық жұмыстар «Ембімұнайгаз» АҚ-ның электронды корпоративтік «Ембі тынысы» газетінде, Компанияның сайтында - www.emba.kz және әлеуметтік желілеріндегі (Facebook, Instagram, YouTube) ресми парақшаларына орналастырылады.

Сіздерге байқауда жеңіс тілейміз!
«Ембімұнайгаз» АҚ қоғаммен байланыс қызметі



ДОРОГИЕ ДЕТИ СОТРУДНИКОВ АО «ЭМБАМУНАЙГАЗ»!

На носу 1 июня – Международный День защиты детей, а это значит, что наша замечательная компания вновь объявляет традиционный творческий конкурс «Мое счастье – детство!».

Из-за карантинных ограничений в этом году конкурс будет вновь проводиться в онлайн-формате.

Как и всегда, мы предлагаем детям выбрать из трёх предложенных тем/номинаций:

- Каким я вижу будущее компании, в которой работают мои родители?
- Как мои папа/мама вносят вклад в развитие нашей страны?
- Какие правила предосторожности против COVID-19 предприняты в Вашей семье?

Условия конкурса:

Для участия в конкурсе приглашаются дети в возрасте от 5 до 15 лет. Творческие работы, представленные на конкурс, принимаются на русском и казахском языках в любом жанре - тексты, видео и фото-репортажи, рисунки, видеоролики (допускаются съемки на мобильные телефоны). Конкурсные работы принимаются с 26 апреля по 24 мая 2021 г. Их следует направить на электронные адреса: G.Karajanova@emg.kmger.kz, A.Ertleuova@emg.kmger.kz, либо по номеру WhatsApp: +77014472137. Все работы необходимо сопроводить информацией о себе – полностью указать фамилию имя и отчество, домашний адрес, контактные данные, номер школы и класса, место работы и должность родителей – сотрудников АО «Эмбаунайгаз».

Объявление итогов конкурса и награждение победителей запланированы на июнь 2021 г. Победители будут награждены дипломами от руководства компании.

Работы по каждой номинации будут оцениваться в трех возрастных категориях:

«Лучшая работа» в возрасте от 5 до 9 лет; «Лучшая работа» от 10 до 12 лет; «Лучшая работа» от 13 до 15 лет; Все творческие работы будут опубликованы в корпоративной газете «Ембі тынысы», размещены на корпоративном сайте – www.emba.kz и официальных страницах Компании в социальных сетях (Facebook, Instagram, YouTube).

Желаем победы в конкурсе!
Служба по связям с общественностью АО «Эмбаунайгаз»

Газет ҚР Ақпарат және коммуникация министрлігінің Ақпарат комитетінен мемлекеттік тіркеуден өтіп, 2018 жылғы 23 желтоқсанда N17430-Г куәлігі берілді.

Меншік иесі: «Ембімұнайгаз» АҚ

Шығарушы: қоғаммен байланыс қызметі

Бас редактор: А. Ертлеуова

Газет айына 2 рет шығады.

Таралымы – 3500 дана.

Редакцияның мекен-жайы:

Атырау қ. Ш. Уәлиханов көш., 1.

Хат-материалдарды төмендегі мекен-жайға жолдай аласыздар:

✓ Л.Сүлейменова – 8 (7122) 99-34-77, 21-177.

L.Suleimenova@emg.kmger.kz

✓ Ғ.Қаражанова – 8 (7122) 99-34-21; 21-121.

G.Karajanova@emg.kmger.kz

✓ А.Ертлеуова – 8 (7122) 99-32-09, 21-309

A.Ertleuova@emg.kmger.kz

Редакциялық кеңес:

- Қ. Қасымғалиев - Басқарма төрағасының өндіріс жөніндегі орынбасары;
- Р.Тасмағамбетова - Басқарма төрағасының экономика және қаржы жөніндегі орынбасары;
- Г.Шарафетдинова - қызметкерлерді басқару және еңбекке ақы төлеу департаментінің директоры;
- Т.Сәрсенов - мұнай және газ өндіру департаментінің директоры;
- Ж.Мұханғалиев - еңбекті және қоршаған ортаны қорғау департаменті директорының орынбасары;
- Л.Сүлейменова - қоғаммен байланыс қызметінің жетекшісі.

Баспахана:

«Print House Geron» ЖШС

Мекен-жайы: Алматы қ., Қ. Сәтпаев көш., 30А/3,

Х. Ерғалиев жағалауы бұрышы, 124 кеңсе.

Тел: +7(727) 250-47-40, 398-47-39

ҚҰРМЕТТІ «ЕМБІМУНАЙГАЗ» АҚ ҚЫЗМЕТКЕРЛЕРІ!

Егер Сізге Қоғамның тауарлы-материалдық құндылықтарын ұрлау бойынша дайындалған немесе жасалған немесе орын алған құқық бұзушылықтар, қоғамдық тәртіптің бұзылуы, ЕМГ немесе мердігер мекемелері қызметкерлерінің сыбайластық және лауазымды өкілеттікті асыра пайдалануы туралы мәлім болса, онда ақпарат, фото немесе бейнежазбаны «WhatsApp» немесе SMS хабарлама арқылы +7 701 775 66 56 нөміріне жіберуіңізге болады.

Құпиялыққа кепілдік беріледі.
«Ембімұнайгаз» АҚ корпоративті қауіпсіздік басқармасы